

LIEDLI & VERSLI



Diese sind uns von Monika Wenzinger, Gründerin von Babadi, zur Nutzung überlassen worden.
Herzlichen Dank!

babadi-Boogie (Afang C / D / U)

Mer hebed d'Hand en Chreis ond weder druus, dri, druus, dri, druus,
schöttle no echli, das esch de babadi-Boogie, schubi du-a, ufe, abe, (ond)
tscha-tscha-tscha.

Mer hebed di ander Hand / de Fuess / de Buuch / s'Födli / s'Muul / d'Nase

...

S'babadi esch jetzt fertig (Ändi C / D / U)

S'babadi esch jetzt fertig, mer gönd hei, (klatschen) s'babadi esch jetzt
fertig, mer gönd hei, (klatschen) s'babadi esch jetzt fertig, müed send oisi
Arm ond Bei, s'babadi esch jetzt fertig, mer gönd hei (klatschen).

...

Chömed mer tüend (C / D / U)

Chömed mer tüend gompe, gompe, gompe, chömed mer tüend gompe, alli
metenand.

- ois treie
- schprötze
- blöterle
- s'Muul verschteke ...

De Schriinermeischer

Es räägelet, es räägelet, de Schriinermeischer säägelt, es tröpfelet, es tröpfelet, de Schriinermeischer chlöpfelet, es güüst, es güüst, de Schriinermeischer nüüst, ha - ha - hatschi!

Räge, Räge, Tröpfli

Räge, Räge, Tröpfli, es ragnet of mis Chöpfli, es werded Boim ond Blüemli nass ond ali Schteindli of de Gass, es werded Boim ond Blüemli nass ond ali Schteindli of de Gass.

Met de Fengerli

Met de Fengerli, met de Fengerli, met de flache, flache Hand, met de Füschtli, met de Füschtli, met de Eleboge - ue, ond platsch!

Liebs Büseli

Liebs Büseli, liebs Büseli, bösi, bösi Chatz!

De gohd of Afrika (Fingerversli)

De gohd of Afrika, de luegt em truurig na, de seid ade, ade, de seid of Wederseh, ond de chli, chli Pföderi, de seid: Pass uuf, pass uuf, am Niil, do häds dänn grossi Krokodil: s'Mamakrokodil, s'Papakrokodil ond s'chliine, chliine Babykrokodil.

Hopp, hopp, hopp

Hopp, hopp, hopp, Rössli lauf Galopp, met em Wend ond met de Wälle semmer gschwend ond emmer schnäller, hopp, hopp, hopp, hopp, hopp, Rössli lauf Galopp.

Wöschfraue (C / D / U)

Zeiged oi Füessli ond hebed si wit ue, ond luege de flissige Wöschfraue zue: Si wäsched, si wäsche, si wäsched de ganzi Tag 2x

Äs Badebüebli

Äs Badebüebli (Bademeitli) mag i guet, das gseht mer mir wohl a, juhe! (2x)
Mol fürä, mol hindrä, mol links, mol rechts, mol ufä, mol abä.....

Ade (C+D)

Ade, ade, ademitenand.
Ade mit dä rächtä Hand, ade mit dä linggä Hand.
Ade, ade, ademitenand.
Ade, ade, ademitenand.
Ade mit äm rächtä Fuess, ade mit äm linggä Fuess.
Ade, ade, ademitenand.

Liedli und Versli für'd Family-Kurs (2-4 Jahre)

babadi (Afang A / B)

S'babadi esch da, s'babadi esch det: Baby-Bade Dietike, s'babadi esch da, s'babadi esch det:
Baby-Bade Dietike, s'babadi esch da ond fangt gli a, s'babadi esch da ond fangt jetzt a.

babadi (Ändi A / B)

S'babadi blibt da, s'babadi blibt det: Baby-Bade Dietike, s'babadi blibt da, s'babadi blibt det:
Baby-Bade Dietike, s'babadi blibt da, ond zwar elei, s'babadi blibt da, ond mer göng hei.

De Schriinermeischer

Es räägelet, es räägelet, de Schriinermeischer säägelt, es tröpfelet, es tröpfelet, de
Schriinermeischer chlöpfelet, es güüst, es güüst, de Schriinermeischer nüüst, ha – ha – hatschi!

Räge, Räge, Tröpfli

Räge, Räge, Tröpfli, es ragnet of mis Chöpfli, es werded Boim ond Blüemli nass ond ali Scheindli
of de Gass, es werded Boim ond Blüemli nass ond ali Scheindli of de Gass.

Met de Fengerli

Met de Fengerli, met de Fengerli, met de flache, flache Hand, met de Füschtli, met de Füschtli, met de Eleboge – ue, ond platsch!

Liebs Büseli

Liebs Büseli, liebs Büseli, bösi, bösi Chatz!

De gohd of Afrika (Fingerversli)

De gohd of Afrika, de luegt em truurig na, de seid ade, ade, de seid of Wederseh, ond de chli, chli Pföderi, de seid: Pass uuf, pass uuf, am Niil, do häds dänn grossi Krokodil: s'Mamakrokodil, s'Papakrokodil ond s'chliine, chliine Babykrokodil.

Sonnechrengeli

Sonnechrengeli, Röslichranz, chomm mis Chendli, chomm zom Tanz, eimal hin, eimal her, z'rengeltom, das esch nöd schwer, eimal hin, eimal her, z'rengeltom, das esch nöd schwer.

Hopp, hopp, hopp

Hopp, hopp, hopp, Rössli lauf Galopp! Met em Wend ond met de Wälle semmer gschwend ond emmer schnäller, hopp, hopp, hopp, hopp, hopp, Rössli lauf Galopp!

Schiffli fahrä uf äm See

Schiffli fahrä uf äm See, chamer schöni Sachä gseh.

Da chunt en Wind, da chunt en Sturm und blast das chlinä Schiffli um.

Tschutschbahn

Tschutschschu än Isäbahn chunt, Chindä gönd uf d'Sitä, wer im Sack s Billet hät, dä dörf mit cho riitä.

Tic Tac Uhr

Di Grossi Uhr machd Tick Tack, Tick Tack, Tick Tack.....

Di Chlini Uhr machd ticktack, ticktack, ticktack.....

D'Armbanduhr machd ticketacke, ticketacke, ticketacke.....

Und d'Wanduhr die machd kuckuck, kuckuck, kuckuck....!

Hoppe Hoppe Hämmerli

Hoppe Hoppe Hämmerli, d'Schtäge uf is Chämmerli,

d'Schtäge uf is Tuubehuss, und alli Tuube flügged us.